



呂1
2015
04

地理全志下編卷之十

郊田氏藏記

昌黎縣志

地史論

大英慕維廉輯譯

地史論上

列國之史於前書已畧言之矣今所論者乃西國文士考稽歷代輿地原委而得之者也若夫天地人物之原始方邪流傳之事跡皆荒遠無稽幽渺莫測如中華以盤古為創造之祖三皇歷世數万誕而不真承訛襲謬推之他國何莫不然史冊所傳不無失實

粵稽摩西崛起商時輿地之大人鮮周知惟於尼羅河左

右及亞喇伯沙漠西北皆係摩西親歷能詳自彼及裏海西南之土亦能稔知所謂異邦群島即小亞西亞及歐羅巴之南濱今而知當時地中海之民與極遠之東陸貿易相通蓋約瑟昆弟曾見群駝負香料乳香沒藥從亞西亞至守埃及見創世記三十五節書言桂皮等物其物惟產於印度及其群島亞喇伯之商人運至此處從波斯海湾水從印度洋與紅海西方之民不知此珍奇之品何自而來亞喇伯之商秘不告人居為奇貨恐人之攘其利猶太之儒足不出外行不及遠於地理不甚詳晰亦不深為稽考其國風俗不拜偶像不尚神鬼與他國迥異所以不旅於

異地慮蒙其汙也周昭王時所羅門王每三載遣舟至大失阿非運其金銀寶石香木象牙猩猩孔雀以足國用其操舵之人造作之匠皆非尼西土之民其民善為舵工有膽歷險不驚按大失阿非二地大約在印度洋濱或云大失在印度阿非在阿非利加舟將啟行群聚於紅海口曰以臘其舶往來必以三載為期歷年既久故知之能稔舟子窺測深淺顧慮殊殷若遇風濤即泊海濱不敢外駛矣非尼西人建築城垣在敘利亞海濱諸邑中有城曰雅羅雉堞雄壯稱鉅觀焉其民深究水道揚帆駛海每為先導地瀕海狹隘殊甚財力無多惟航海周遊獲利倍蓰其於

地中海諸島深悉原委。希臘群島早為所據。後日強盛。盡驅其土民於外。又于西西里西北阿非利加北迦達額西西班牙南皆建邑以居。徙其民以實之。因其貿易之廣財貨充裕。其後雅羅為沃壤。商人貴埒王侯矣。且其貨舶所及遠離所建之邑。推之已及英國西南隅。所獲者錫鉛皮。或云其舶環繞阿非利加四周。始于周頃王五年也。後一百五十年。有希臘文士曰希羅多達斯。至非尼西。論商船繞行阿非利加之事云。此州四圍皆水。惟東北隅僅有片土地名蘇士。又云其放舟之始。於紅海。故行駛及印度洋。秋時登岸耕植。收其所產乃去。如是者經二年至三載。繞

日巴拉大峽。至埃及國。彼自言環阿非利加。日在其右。其理不謬。然其時器其帆檣未備。道路遠途。猶未稔悉。經危險。以此多有疑懼。或駛舟往探者。畧為可據。非尼西人航海外游。無論遠近。皆匿不以告外邦之人。莫測其所之。其意恐彼從之貿易。亦獲富饒。

加達額本一邑耳。屬於非尼西。後成大都。称雄國。并吞非尼西。西方諸邑。率其軍民駕舟至阿非利加歐羅巴。在大西洋海濱。其意欲沃廓土壤。創建新邑。以致國用富強。民生豐庶。其船有二幫。一逆於北。由西班牙之濱。至英倫阿爾蘭。一逆于南。瀕海建七邑。至塞拉畧尼而回。

希臘在中國姬周以前見聞尚淺於其本國外知有小亞
西亞以大利希臘群島此外不知史有土壤周懿王時希
臘有文士曰和墨耳著詩史二冊迄今有名其書論及地
理東自黑海至西西里西境北自帖類斯至埃及等地南
境雖載其名不能深考後百年當東周平王時亦有文士
希削德於埃及以大利地理更為明晰於是歷二百年來
希臘人更悉西土事蹟緣佛西安部民遷西至羅尼河口
建一邑今名馬塞立又有建邑于南以大利西西里西班牙
牙者定王時有文士曰太利士其人始論地體為圓亦告
其國人北斗星指正北之向為非尼西人行舟之法敬王

時又有文士曰希羅多達斯使希臘人始明地理言之鑿
鑿斐然可觀遷於遠邦始綜覽地方形勢民情風俗歷代
事實先究布臘國小亞西亞海濱群島舟行於他大尼里
海峽縱橫黑海亦至帖類斯土耳其其北方小亞西亞之中
非尼西埃及尼羅河之濱亦至利比亞之沙漠於東方至
亞喇伯見幼發拉底革里二河亦至巴比倫等邑後卒
于以大利之南隅其所繪輿圖織悉備載信而有徵真碩
學之儒焉義羅斯烏拉嶺鹹海西城交界印度河北道及
尼羅河南方多惱河發原於日耳曼水流於歐羅巴之間
其支派所至與泝流于黑海大河考之最悉惟西歐羅巴

未詳語畧有誤。

希臘人之愈明西土形勢也。緣馬塞立有名之船主比帖斯測歐羅巴之北有大海爲希羅多達斯所懷疑時著一書為後人所祖述。駛舟二次向北於加的斯啟行歷西班牙佛朗西而抵大英環其南東海濱舟再行歷六日詣一處古称兜勒恒有霧氣遍布其地又云夏至見日在天際經十二時不墜此處以六月為晝六月為夜今人疑其地不識在何所或曰即舌蘭島夏至晝長十時是也或謂在那威或謂在冰洲前說俱誕當是更北之地彼舟又經入德藍駛至波羅的海及其群島濱海之區彼皆所新歷其

人不第善攷地理亦邃深于學術始考定地之緯度以晷表之線取日影實自彼創於其所居之地推測頗驗於潮汐往來之理亦能指示知爲月所吸引而成亦明北斗星非即地球正北之極茲按其生時約在周季間人也當其時有希臘數文士一曰幼多色遊歷埃及亞西亞以大利一曰希薄克拉的遊歷於西歐亞德薩力小亞西亞一曰色諾分率万人自幼發拉的河上至黑海所經之路嶮巇殊甚莫有能識一曰西拉斯告其居民以加達額所譖悉之地在阿非利加之西濱其稱羅馬亦自彼始更有一士曰亞立斯度德甚立名譽傳至於今其人薈萃前人論

地之說成爲一書以裨後學。彼以爲星有見於希臘不見于埃及推其故可證地狀爲圓之理亦察地四周之廣大核其里數其數雖有不足而其法寔爲精妙厥後一千八百年西國亦有操舟者名可侖波用其法以攷亞墨利加之地焉彼亦論錫蘭島過印度塞內牙河西流入海其源與尼羅河相近加白的山及大英阿尔蘭爲佛朗西北方之大島。

亞立斯度德爾之弟子名亞力山大爲君於馬基頓聲聞廣播率軍至中亞西亞軍中多文士察其所歷形勢凡民風俗尚生物動植無不周覽焉既滅波斯行東北至阿母

約林兩河之濱行東南至印度昔西方之民聞印度爲富饒之國人庶物阜故欲得其地以沃廓土壤經印度固斯山及印度五河入於本若比內境建舟楫通貿易其舟萃於印度河口達於波斯灣抵一邑今名蘇色歷程約八旬今則旬餘可至時周顯王四年其君既薨國遂分裂將軍各據一土其東方之將名尼加多至恒河與其酋戰如是希臘之人于印度之部落愈能詳審且諳其俗尚其民性情機巧即其所產禽獸草木亦能識之亦有田疇其穀宜稻有水以資灌溉察其稻如何耕植種甘蔗木棉其棉用以織布精潔細緻西藏有山羊之毛組織成巾燦然可觀香料

鴉片樹膠堅鋼等物草木可觀棕櫚尤美亦產象有畜於家有遊于野者雙峰駝鹿有鬚如馬印度之民分為數等名分各定不能變易祖父所執之業子孫不能改也耳鼻及唇各飾以環製雨蓋以禦雨其首蒙帕

亞力山大建一城在尼羅河之側即以己名名之凡碩學之士群萃其中在埃及希臘列朝之時久稱極盛名譽昭著有幾何之學詳講地輿形象之廣大歷數之學得以大明者實自彼始諸士中有義拉度斯齡柰斯為衆領袖城中建寶殿書史甚夥推為藝林其人始規地之廣大以量經線之弧其法實不謬也在上埃及之亞瑣安城夏至時

日在天頂直射不偏即深井之底亦有光耀在彼時亞力山大都城日遠天頂約七度十二分由是論之兩地相隔之路可以推矣惟其人忘日之地半徑差亦不知此兩地不歸於一經線相遠約三度雖有差謬然測地球四周其法實創自彼論地之政文質三者頗能明晰彼深信地圓正圓其說謂西洋甚大不能至印度職由此故非謂其道之不通也

羅馬昔為強盛之邦勤於武事常耀兵於遠故於列國之疆土能備悉焉大將有西北阿者其兵始至西班牙全境後有他將兵至摩洛哥阿尔及又有路克勒斯本貝者兵

至亞爾美尼。高加索隘口。又有該撤者。兵至佛朗西。與英南境。最後有加勒斯者。兵至亞喇伯偏隅。攷此人當亞古士督朝。其時有察地理之名士曰斯德拉薄。卒於西漢孺子嬰三年。親察羅馬疆輿。畧得其半。自亞爾美尼至推羅海濱。自黑海至埃及南境。於其形勢風俗。論之綦詳。至於地球他處亦多採訪而得之。在東方至中國。祇聞其名而已。北方自易北河口至敦河。其外皆非所知。在南方阿非利加僅知其半。意謂印度大西二洋相連。後葡萄牙人試行之。果自大西入印度。在西方於彼意度溫道之中。過大西洋。尚有地居民異於東州。彼於數事亦有舛謬。斯德拉

薄著與圖之後。未幾羅馬兵士於歐之中北方。多能詳悉。大將德路薩兵至日耳曼之威塞河。在瑞的西灣。亦見北海。後有日耳曼以格斯者。兵至日耳曼之易北。埃及斯二河。當革老丟斯為國主時。以英倫為羅馬之一部。及亞克力哥拉為王。兵過蘇格蘭。至克藍此安山。其舟亦行自佛的河。至舌蘭荷哥內二島。如是始悉英之全境。是時有士大西德斯著書。論此方日入之光返照。至日再出。又言北曉及永靜之海。所謂高緯度是也。有士名不力呢者。始言斯于的那維及那威。以那威為島。其民舟行至舌蘭。時羅馬人尋覓波羅的海。至芬蘭湾。未知斯于的那維本歐之

一隅印度洋之信風始述自希巴拉斯知此風吹有定期
賴此東北信風自阿非利加至印度亦賴西南信風而回
如是舟楫往來甚為便捷矣此時有久名亞立安撰一書
論商舶經行之道由巴白曼德峽至馬拉巴海濱又考察
一地人度之以為頗似中華論中土之地理者彼寔開其
端焉又云恒河之外洋海有島名曰金島在日所出之下
亦居東方極邊產瓈殼最為珍貴再北有西柰國其內有
都城垣堞宏壯名曰帖柰產絲運至孟買其地人憚其遠
頗不易至其接壤之區至黑海裏海之邊西柰國之邊境
有市集貿易甚廣每歲一至其地有韃靼人群萃而處性

甚野悍不嫻禮義焉

漢桓帝時大秦王安敦遣使至中國大秦即羅馬也

古昔地輿之理至獨列米而大備其人生於埃及居於亞
力山大其所著之書與斯德拉薄之書迥異斯德所言者
祇詳地政地質獨列米言及地文其書八冊名地理全志
中繪輿圖藝苑中頗著名譽至一千四百年其名益彰著
此書之意欲明地之界限以經緯二線測之每線分三百
六十段今稱段為度二線前人雖用之惟獨列米以此始
定經緯二度度量之數所畫緯線之處較今差同然舛謬
亦不少其所畫經線差錯更甚無一相合如地中海差長
二十度恒河口誤置東方差遠四十六度又畫西境午線

過加拿大島東境經線過中華為一百八十度。如是則東西相遠地球之半。較其四周實數約差八分之一。然雖有差謬。至一千四百餘年。使西人亦由此自西洋即望至印度。又使人曰之尋覓亞墨利加。不可謂非一助也。彼于地理識其遠近。雖勝前人所言。數處形象廣狹。及海濱之界址。俱誤。如云裏海有橢圓之形。自東至西。其寔自北至南。言錫蘭島大逾四倍。阿非利加北方海濱之線太直。亞亞州其長迤邐西南。與阿非利加相接。則印度洋為其所掩矣。

地史論中

羅馬一統之國。在滅亡之時。居民叛亂。有諸部生番。頑悍異常。從北列邦未入版圖之地。駭竄入于歐洲古之名邦。遺蹟焚燬蕩然。前人著述。列祖訓誡。忘失殆盡。民心恐懼。恒有危險。不敢遠遊。歷經千載。無輿地圖史。無甚新異。可廣見聞。惟在北方。稍有知識。非甚才智而有膽畧。勇于任事。較衆尤勤。彼至波羅的海濱。其民愚魯粗暴。教師崎嶇。至彼其功必勤勞而後獲也。中有英薩索尼之人。更為奇特之士。曰安斯加。八十五年。遊行璽國瑞顛南方。此二地始皆未稔。其民兇頑。每殺人以事鬼。彼至其地。戒其為惡。英土之君。並非烈勤。攷外邦輿地。備極諮詢。有所見聞。

則書以諭民。彼遣使臣至印度最遠之區周恤。使臣返國。得其土產珍奇物玩。中有真珠香料。四五百年中。有西班牙人曰阿羅西。其人著述一書。論峩羅斯之境土。莫君得是書。譯以國語。傳播民間。時有二船主。一曰烏非斯。但一曰阿的利。彼二人曾遁於王宮。亞非烈詳問之。烏非斯前已駛舟於波羅的海。經普魯士濱。從維士都拉河口。至於峩境。所論之風土俗尚。娓娓可聽。阿的利即那威部長。彼環於北角。行舟至白海。獵于其地。獲海馬。其齒皮可用。斯時冰洲之地。始為著明。歐羅巴北方海盜。遊奕無定。忽得一島。曰發祿。據而有之。遂為數穴。此事未幾。當八百六。

十一年。有盜魁。航海回島。遇風驅之。至素所不識之地。泊每登嶮陟山。欲窺察其勢。四無人聲。亦無室廬。惟有叢林茂樹掩映山谷。彼欲返發祿。時天雨大雪。故名其島曰雪洲。後人曰冰洲。厥後盜屢至其境。及那威人遷而居之。遂知其地為海中孤島。更閱一百年。冰洲之人覓得海濱。屬於西方。人欲盡探其境。又得一島。相近法威尔角。時當春令。見鄰土草綠。名曰綠土。西人今色之哥里蘭。蓋錫此嘉名。以冀兆姓之群來焉。九百三十年。即宋太宗三年。新邑以建。經營數百年。猶留其遺跡。當時此方之民遷於其上者。日以漸繁。至一千四百有九年。卽明之成祖十四年。其地之民。

不復著名無國史之足攷蓋已胥歸於殲滅亦不能深究其故追溯在一千三百四十八年於歐之北瘟疫流行死亡甚衆或者傳染於哥里蘭死傷大半其不死者為土人鴨斯基毛所殲迄今室廬遺址街衢舊跡常見於海濱故知其地曾有居民也考之冰洲所傳之紀備載其事其書亦載亞墨利加為哥里蘭人所窺察前於哥命波五百年紀述確然無可疑也有舟人遇暴風誤其途後泊于西南見有陸地即哥里蘭是也閱數年冰洲之民於寒冬長夜之時所劇談笑語者惟以新拓之地互相討論一千年即宋真宗十一年有數舟揚帆抵所指示之地窺其形勢草

未不生惟磐石嶙峋故呼之曰石地以今度之即新著大島之東南也又行至低濱有山巒然壁立白沙遍地林木繁雜故呼之為木地今按其形勢即新蘇格蘭也再行至海濱諸一地土壤豐腴即止而居之以遇嚴冬地產葡萄甚甘美不可勝計以今度之當在合衆部新英倫其地於冬至晝短自辰二刻至申六刻為一日不過四時半而已今知其地緯線在四十一度二十四分十秒羣舟春始返居民聞有新地羣往觀之未知其遷居建邑惟時斫林木獮取獸皮斯干的那維之民能操舟在北洋中從那威至冰洲當其

時歐地在他處之民不敢駛行大洋惟沿濱而行約七百餘年亞刺伯因教之人戰於西班牙而據其地亞土地理之士言海在西方風霧甚多名暗海亞西亞東北海亦名曰黑暗之海一千一百餘年有士以的利西云無人能詳大西洋者因舟行難險黑霧迷漫水深風暴中有羣島居民或有或無以此舟人無敢深入行于其濱心常惴惴焉此處浪高如山惟不四裂若勢更裂舟則竟不能行矣有利加貨物過撒哈拉沙漠至于北方亦運克什米尔印度商舟駛行地中海紅海印度洋北濱以駱駝運載中阿非利加貨物過撒哈拉沙漠至于北方亦運克什米尔印度之貨物至西方在一千二百年至一千四百年其中歐地

之一至亞西亞極遠之處多深察而詳究之其事甚要今畧陳其說於下

按前羅馬將滅之時亞西亞北狄凶悍頑梗群萃于歐羅巴如洪水驟至淪沒沃壤而禮義之邦因為所毀至二百年歐民無不悚懼意或復遭此劫蒙古成吉思可汗始居阿尔泰山麓出兵征伐中亞西亞及東亞西亞之大半飈飛電掃直搗裏海經窩瓦河焚掠峩羅斯波蘭匈牙利西里西以懼兩國之民謂亦將擾其境土而奪其所有西民欲免斯患遣使于亞西亞之大汗于是亞州之境西人愈能詳晰一千二百四十五年宋理宗即位之二十年

奉羅馬教旨。有以大利人加比尼約翰為使臣之首。使于蒙古帳。由裏海北去。亦從此回至本國。爾時備歷艱辛。因西卑利冬。有互寒凜冽異常。彼恒卧於雪中。後著一書。摭拾其所見所聞所經歷之事。詳載各部之風俗。途經裏海東陲。見觸鬪徧地。滿目淒涼。因成吉斯可汗血戰沙場。此其跡也。後八年。有比利時人路布路樂斯。為佛國主路易第九所遣。行至蒙古。求和以窺察之。君士但丁啟行。至哥力米。詣敦河。後至窩瓦河。最後至烏拉河。彼謂烏拉河之東。沙漠浩浩。過此周遊蒙古。見可汗。由阿斯達于高加索隘區。而回計往返之時。約二年三月。彼謂至蒙古營壘。

曾見宋人得聞中華語言文字焉。始知犛牛產于中亞西亞山巔。有巨力。尾如馬。背腹都有長毛。其足小於他牛。而更猛鷙。角長而直。能触人。

歐羅巴君。因心懷憂懼。爰遣使臣。至於東州。此時民之私往其地者。欲廣見聞。亦有射利之徒。思購奇貨。始學技藝。蒙古人待之良厚。與之財而賜之寵。使之擅名譽焉。其中有特出者。威內薩人波羅馬可。彼啟行在一千二百七十年。其時世祖忽必據有華夏。始称元代。使臣在京都。世祖召見。優加賞賚。拜爵于朝。使臣由是服華服。循華俗。效華言。世祖屢遣至他邦。寵任特深。不過三年。濬升封疆大

吏後波羅馬可欲返世祖不許馬可乃微服隱行私離中土從印度羣島印度洋波斯灣德比孫君士但丁而行後至威內薩計其往返約二十四年為一千二百九十五年後著一書備述聞見士民觀之無不称異乃更從之以探外邦形勢彼所稽考數地近時始有人詣之以察其言之是否至其地而所見所聞與書符合彼云中亞西亞米耳高原燃火光不炎耀色與常異以之燔炙亦遜他處今普魯士有名士曰洪波的明于地理嘗陟高嶺精察之而知其言之不謬緣地甚高天空之氣殊輕也馬可亦云此原為天下最高之區揆其形勢據兩高山之間有一河水

甚清冽其源出于大湖其地生草肥美甲于他處瘦畜食之十日駄即豐腯此水乃阿母河也發源大湖即西利格湖英之將士烏德在一千八百三十八年歷險至之而證馬可所言彼云巴米耳之原高于海面一千五百六十丈土人呼之為地頂前有大湖在西方發流為阿母河土人呼之為草肥澤此草食瘠馬不至二十日即膘壯力健羊產羔每歲得二馬可亦論中國之名省城又論黃河揚子江及舟楫市鎮民居稠密俗異風殊勤于貿易製造磁器之局生鹽之石紙銀蠶絲香麝孔雀等物又言中國南洋及信風南朔煤可燔炙於其時歐邦人未知之也獨茶尚

未論及彼嘗論香料芬芳之品。大約茶亦在其中。让亞西
亞多數澤。一歲中為冰雪弥漫者。習以為常。其民用鹿挽
車。有獸皮最珍貴。如是則西卑利之形勢。亦言之綦詳矣。
彼論南洋羣島。瑣屑備載。居於蘇門答臘。凡歷五月。言其
地產象犀。棕櫚。椰子。薏苡。至安大滿島。摩鹿加島。錫蘭及
印度諸地。皆歷歷詳明。疏其事跡。

於其後。有數人出遊外邦。所至之地。畧言如左。有日之阿
得利。經波斯至馬拉巴海濱。循錫蘭蘇門答臘。爪哇。婆羅
洲。登岸在中國之南。從此抵北京。其回國也。由中亞西亞
至歐羅巴。其周游之時。自一千三百十八年至一千三百

三十年。計其時在元英宗朝。又有摩洛哥人。名巴土大。至
埃及。敘利亞。亞喇伯。波斯。布哈爾。經印度。固斯山。入印度
後。諸馬地。維斯島。錫蘭。蘇門答臘。中國。返至阿非利加。經
撒哈拉沙漠。至尼日河邊。攷其時。自一千三百二十五年。
至一千三百五十三年。為英宗泰定朝。又有以大利之商。
名北格臘的。啟行自亞速海。循羣駝運載之路。至中國長
城。後抵北京。著一書。細詳曲折。使後之商賈不迷所向。啟
行時。在一千三百三十五年。又有西班牙人。名恩薩勒斯。
為使臣。奉國王之命。啟行于一千四百有三年。自君士但
丁至德比孫。經亞爾美尼。北波斯。哥喇森。復至薩馬干。即

此時最大之都城也。

一千四百年後始攷洋海之道。迄一千五百年有一州綿亘形勢長廣。貫于緯度南北。州中氣候寒暑。地形高低多有不同。歐羅巴人至是乃悉知之。葡萄牙人始考海道。君名顯理。聰慧明察。勤於庶事。言出維行。事無或滯。彼聞圓教所言之幾內亞。土壤膏腴。多有寶藏。定意至彼。欲究其地。從海而行。居與三維森角相近。欲經理海舟駛行之事。歐羅巴船主已抵南界。名曰嫩角。在二十八緯度四十分北去。日巴拉大峽之南。約二千里。其角葡萄船亦易過之。更南有地名巴沙多角。波流洶湧。海底多石。暫阻其行。舟行

時忽為暴風所驅。飄至大洋。泊一島。人名之為波多三多。明年即一十四百十九年。至馬德辣島。昔已為英人所至之地。一千四百三十三年。方出巴沙多角。後十年。亦過巴郎哥角。後四年。亦過威的角。又二年。至亞索利島。復至吸朴威德島。再經歷二十年。船已行至來比利。又至非難多。北島比鄰色島。在赤道北一度五十分。亦有多美亞那本島。一千四百八十四年。有船主名堪舟。行于公額本幾拉海濱。至二十二緯度南。後二年。亦有船主名太士。其人至窩拉斯角。在二十九緯度南。近于荷蘭日河。于其處舟遇暴風。遂至大洋。斯時飄泊無定。再抵海濱。在阿非利加南。

境環繞而過彼亦不自覺迨至返時始知之其地陡遇波浪堆若壁立故名大浪山後易之為好望角以可望至印度也後十一年一千四百九十七年由其道至印度甚為便捷荀有船主名華斯哥德加馬其人從是道率三舟至海濱如是則西邦與印度相通至近時可以通商獲利設教傳道皆由乎此

當舟未環行阿非利加之時前數年有人經大西洋至西州為最要之事備載如左哥倫波生于熱那在一千四百四十五年幼時即學操舟及長甚勤敏有名譽于舟楫之事無不明曉至馬德辣亞索利加拿利諸島幾內亞英倫

自英倫至冰洲在一千四百七十七年凡古今輿地之圖無不深知彼信昔之獨利采所著書以地狀為圓四周較小與西亞州東西尤長之理彼意謂歐舟之行向西後必至中土鄰境有數事可據此一定之理如時見巨巖亦有草木浮于大西洋自西而至狀與歐異亦有雕刻木奇形時浮至馬德辣島亦有人戶飄至亞索利島其容貌與阿非利加歐羅巴之人實異也哥倫波詳證其事確然不誤國人目為狂妄不信其說彼貧無力人或失信然志識堅定故垂譽至今後西班牙主非多難女主依撒伯允哥倫波之請遣至其地以察是否在一千四百九十二年特

放三舟歷三月而抵亞墨利加之三薩瓦多島在巴哈麻羣島中亦有二島一名古巴一名三多明各如是則大西洋行海之途因以漸啟而稍有入跡矣古巴島哥倫波以意揣之以為印度固持其說而不變至于終身因此沿訛至今亞墨利加之士民群呼為印度人矣閱一年哥倫波再放舟啟行于加的士羣舟尾焉探得加里比牙買加薄多里哥數島後五年又至焉復覓得特里尼答島至南亞墨利加之海濱相近疴里諾哥河口閏四年又至探得闊都拉斯莫斯及多海濱于時英主顯理第七亦遣舟而往加波的船主客居于英其人始至亞墨利加州相近拉巴

拉多在一四百九十七年哥倫波至其境不見亞墨利加迨至明年彼先見西印度羣島故人稱美之以其尋覓西州彼為之創焉亞墨利加之名始于佛稜斯人名亞墨利吾舟至亞墨利加後于哥倫波一年如是称以是名在昔洋海人懼涉險至彼時人聞哥倫波舟回覓得新壞遂有多人羣起欲詣其境因知彼侈談其土富饒多產寶物故利心頓熾欲往之念益堅亦有好異驚奇之輩率其狂興登舟至彼因其在國無恒心不如至異地以探幽覽勝也英与西班牙葡萄牙佛朗西諸國主亦遣兵船往據其地如是經大西洋而覓新地者見聞愈速一千四百九

十八年夏間加波的再至其境。從英國啟行詳考北亞墨利加海濱。從新著大島至佛羅釐達。後二年船主高抵畧役葡萄牙而往。踵其所行之道入勞棱斯灣。經拉巴拉多海濱。將近黑孫濱。西班牙人名巴斯的大亦往彼地考察。前哥倫波同舟之友名本森。駛入亞馬孫河口。環繞巴西羅克角。南歐人過西半球之赤道。彼實為始。有名加不拉。為葡萄牙再遣舟至印度之使。其舟被赤道平流飄至西方。忽抵南亞墨利加。幾至桑薩瓦多。一千五百十三年。有人名巴爾波亞。欲窺察南亞墨利加境內之地。在大利俺。灣濱有新邑。彼為之主。聞居民相謂曰。陟山之巔可見。

沃壤望大洋。彼乃攜數人而往登山。與巴那馬低狹之區相隔。其程危險。閱二十六日至最高之山腰。從人止焉。巴波亞獨造其巔。見太平洋廣無涯涘。日返照四射。海濱有林木葱茂。田畝縱橫。河水曲折。覽之不勝奇異。繼與從人至海。屢涉水。袞甲執旛。一手持劍揚聲而呼曰。西班牙之君王妃后。至尊至貴。万壽無疆。我賴其君。得此海據此地。如有他君。或崇基督。或拜偶像。欲得其地。我必阻之。洋海彼名南海。因向南而見之也。巴波亞聞居民云。在南方有地產金不可勝計。亦有駕重之獸。土人畫其像于沙。見之約畧似駝。其地即名秘魯。獸即秘魯之駝也。

船主在西州狹地之中。覓路至太平洋。從此可抵印度中國。當時之民意。其地離印度中國不遠。在亞墨利加溫道間尋覓不得。復至南北緯度求之一。一千五百十五年。若安太士測海時。至巴拉他河口。入其內境。以察形勢。與民戰鬥而沒。後一年。加波的亦有此舉。三次至北亞墨利加海濱。至北方六十七緯度半。入黑孫灣。在彼適值舟子作亂。遂回國。時有最要之事。幾至得成。爰略言之。有西班牙人曰麥折倫。前至印度摩鹿加島。操舟之業甚精。惟較哥命波稍遜耳。彼度知南亞墨利加海濱。在南緯度。其地斜迤而西。彼以意測之。謂南方有洋甚廣。可通其道。如在阿非

利加南方。然若折而過南。後經西。可抵摩鹿加島矣。如是西班牙之王即日耳曼王名
查尔斯第五。與之舟楫。遂啟行。在一千五百十九年。舟由偏西南而行。抵巴拉他河。循南洋海濱。閱一年。覓得海峽。入其內。至今其峽呼為麥折倫。復由峽至西。入于太平洋。自東南至西北。經大洋。歷三月餘。抵馬利亞納島。舟行歷九千里。祇遇兩小島而已。杳無人跡。舟中乏食。咸生疽甚苦。賴天氣清淑。風恬浪息。故名太平洋。其時有文士紀述行舟之事。因遇多艱。謂後遂無敢環海四周者。麥折倫後泊非里比納島。後與民鬥。懦弱不振。沒于戰事。舟人遁去。抵婆羅洲摩鹿加島。後過好望角。回西班牙。

牙時在一千五百二十二年。如是計其里數約十四萬里。啟行之年去有五舟。迨回國僅存一舟。始舟中有二百三十六人。迨返不過十八人而已。

麥折倫環行地之四周。不特實測亞墨利加南方之界。与太平洋大西洋兩水相接。亦始論定地圖為圓。因此事子遺之人。其長名加挪西巴斯丁。封以顯爵。世襲勿替。賜以印內鏤球形。球四周鐫字曰爾始環我。或云返國時至波利威德島。其地有葡萄牙所徙之人。此日如準以舟中之期。為安息第三日。如以歐羅巴計之。則在第四日云。由是推之。舟中似誤失一日。此事本奇誕。迄今可細曉其理焉。

英有文士名黑爾舌耳。詳釋斯事。畧為詮次。如後晝夜以日與星迭為顯見而成。蓋因地球盤旋。人見日星出沒。相繼入行於地中心四周。其數若干。則在地見星日數亦相符。地球行。人亦與之俱行。如人舉足自向地中心四周順之而行。至返於本地。則視地球行而人不舉足者。數加一次。而晝夜亦多一次矣。逆之而行。至返於本地。則數減一次。而晝夜亦少一次矣。夫地球盤旋。自西至東。若人恒向西行。與地球環繞之向相背。則必失一日。每日更長。如向东。與地球環繞之向相合。則必多一日。每日更短。此日數之多少長短。與人之居其所而不遷者。較之則有別矣。此

事乃舟行洋海者往往有之不足異也以是理推之有人啟行同時同地皆欲環球以行惟相背而馳一向東一向西亦同時而返國所異者惟所核之數差有二日人恒向西行至其回時則在安息第一日人恒向東行至其回時則在安息第三日惟宅土之人則為安息第二日如是則日數多少不論行于何緯度皆如是惟必由東西經線而行以成其日數之多少所行之時不論何年而日多少之數亦如是

當其時歐羅巴人於外邦之地考之更為詳審在昔所知地輿接壤殊狹今則始知此外有地廣遠無垠案始用指

南針以定方向航海之人駛行於遠更屬便利此器未審其原行之已久或華人所作西人從而效之亦未由知之矣指南針並不直指南北有時偏東偏西而每處各有不同此理在一千二百五十年西人始知之於其前中國儒者亦嘗論及焉惟哥倫波始行舟之時覺有一處在大西洋無差歧之線其地喚銕氣線與地球經線相合向西遂有差歧如是西國文士于地面喚銕氣之理更為深究約爾時三十年中西州海濱之南北高緯度窮其形象知地球有橢圓形為確鑿不刊之論亦見河口比昔所考之河更大如巴拉他亞馬孫荷里諾哥勞稜等河是也于亞墨

利加中所見人民新種風俗言語異于東州草木生物形狀各殊多有新奇之象貿易風與洋海平流其理已言之矣在天空衆星羅列見于南方北方之民未之及見麥哲倫始考二雲光如白帶暨燦列星宿環繞南極

東州之民已得西州新土拓其封疆

乃其

民負罪忘恩考之万邦史冊歐羅巴人始過大西洋所行更為暴厲至今讀史者猶為憤惋自哥倫波而外從之者大半有珍物覩即攫取或與土民貿易恣其凶悍不念撫恤新得之土西班牙葡萄牙之民惟尚虛文

反以其為惡迹不軌于正矣其民身家田產悉歸西葡二國統轄不得自專西葡時或乘機攘物民以為非者必更加荼毒史冊所載不第於其虐民之事諱諱詳述也亦言

以公義斷之違法之人必陷乎罪待久苛者其罰必歸諸己貪不義之利而致富者其利必詛及于身西葡所作不軌結黨橫行以攘奪貨物為務其間各懷嫉妬日尋干戈民遭變亂無有寧宇新邑幾不啻地獄矣西班牙聚西州之錢不可勝計然因其構兵于外所需浩繁猶不足用日漸匱乏彼在西州屬地廣大然當時

廁于歐羅巴中則為藐小之國矣。昔則據上游之勢。兵刃饒勇。國威赫奕。迄今為禮義之邦。孱弱不振。財用已竭。至于葡萄牙國。其陵夷衰微亦如是也。

地史論下

一千五百二十年餘。亞墨利加內地或為人所測而知其形勢焉。有西班牙人名各爾的斯率其軍旅至墨西哥。有久名比薩羅亦出兵覓得秘魯智利。葡萄牙之船主離其國。得巴西。考其土壤之廣大。林木之森茂。葡王欲之。憚其煩。使列侯往各自闢土。免其貢賦。其時瀕海之區所未歷者皆能詳考。前所偶歷復細為稽核。一千五百二十四年

佛朗西王名法蘭西第一。遣羣舟往合衆部。舟主名法拉撒拏。既抵合衆。周覽其地。後十一年。亦有他舟往焉。舟主名加的力。行舟于勞棱河。抵蒙的亞。後四年。亦有舟主名亞羅亞。至加里福尼灣。細加考核。規度形勢。未幾瀕海之地。至哥倫波河。皆已周知而備覽焉。自亞墨利加之河口。舟屢經太平洋。至摩鹿加島。舟行之時。遇巴不亞比留。与加羅黎那數島。亦抵馬其薩島。其事在一千五百九十五年。麥折倫之舟。始環地球而行。其後英人之舟繼之。舟主名德類克。再啟行時。在一千五百七十七年。過麥折倫峽。經智利秘魯墨西哥海濱。過大洋。達非里比納島。由好望

自返歐羅巴離家約二年九月後六年復有英人名加溫的市行舟于海始覓得三厄里那島今為英之屬地往返約二年二月後十年荷蘭人名萬怒爾的行地球四周約三年返國

粵若古昔北冰洋之土鴻荒未闢人莫有知之者自人意測之由歐羅巴北角可達印度道路殊近行李無虞較出大西印度二洋為坦途矣英王名義德瓦得第六與倫敦之商遣舟詣北冰洋海以試其途可行否事在一千五十五十三年有三舟至歐北方其地路甚險惡二舟沉壞一舟抵白海濱殊冒危險後三年又遣舟偵察舟主名百羅

斯至丕加德斯島為冰所阻以意度之或見新森拉東南亦未可知也至一千五百八十年再遣舟往仍不得前操舟者備嘗難苦重霧溟濛泊舟于冰山俟冰山行過然後返里荷蘭人意欲亦從東北遣船主名已鄰斯精於操舟遣之三次猶不得越冰流而達彼岸惟至八十緯度北見熊島與斯必巴然海濱新森拉北方環而過之其地寒威凜冽冬時舟人居此因冰膠舟不能行後毀于冰已鄰斯張幕于岸後著書述其苦況以及救急衛生之方備載于上長夜三月宜操何業鐘表皆因冷不行更用何法以驗時刻以後見日始升稍有微光觀之喜不自勝俄有北極

之熊時欲攫人而与之鬥其書光怪陸離人喜覽之亦海外之奇聞也以是觀之人始在最高緯度得過冬時咸賴

与其所作勤慎行軌于正也

英國有舟主欲至印度舟從東北行亦有從亞墨利加西北而至彼者有二舟主一名弗羅比撒一名大非斯經哥里蘭海尋覓海峽得其二以二人之名名之一千六百十年有舟主名黑孫亦欲自西北而抵印度入亞墨利加內海灣即今所名黑孫海湾者是也始人以為即太平洋之一支閱二年船主入登經其湾思至日本乃抵湾西境而遂為所阻後四年有二人一名排綠一名巴芬過大非斯

海峽外抵巴芬海湾歷七十四緯度北至于地球他處西班牙船主考察大地知地面空闊活無涯涘不可以尋常意計測也一千六百有五年有人名基羅斯舟從秘魯之加勞啟行尋覓他希的島昔麥折倫以太平洋為一片汪洋中無乾土彼細察之知其中峰島羅列因此推之南洋有州與北方之州大小亦無區別矣後一百五十年中人度其理以為不謬也基羅斯之副名到勒斯其舟被暴風所吹離羣舟而抵一峽在澳大利巴不亞之間入斯峽者彼為之創故峽遂以其名名之彼行時見南方有片土或即約克角是也

一千六百年至一千七百年。荷蘭船主考察洋海，備極周詳。不第貿易之舟抵巴達維亞。華名噶羅巴以通貨財，亦遣他舟遠至列邦，專以詳究地理為急務。荷蘭人始見澳大利大島，較到勒斯自北方見之者約前數月，在一千六百十六年。荷蘭人考澳大利亞之西濱，自南帶至二十八緯度，次第周覽，名其地曰安德拉。先是約一載，荷蘭人得一道，抵太平洋，較由麥折倫峽更易而速。其道即環錢府，依句而行，抵極南之地，名合尼角。一千六百四十二年，有荷蘭人達斯曼，稽考洋海之地，尤為精勤，覓得新西蘭，抵澳大利海濱，至萬地曼蘭島，及數孤島，又詣友島及非支島。

此時歐羅巴人遷于亞墨利加境中，于是其地之形勢見之甚確。一千六百有七年，合衆之勿吉瓦部英人始得之，徙民以實其境，建室廬，通舟楫，成一都會焉。閱十三年，英國教會中人官吏待之甚酷，遂遁于彼。一千六百有八年，佛朗西人建幾百城，其地多植葡萄，產核桃。後七年，荷蘭人遷于黑孫河上，後二十三年，瑞顛人遷于合衆部之德拉瓦河濱，至印度、中國、日本，以及尼羅河發源之境外，無不有轍跡焉。緣此更能稔知外邦形勢，所著輿圖，纖悉備載，駸駸乎遠勝于昔矣。一千六百三十年，有紅去斯者，文士也。昔獨列米于地球所，亞西亞東方之經度一百八十。

彼減其數為一百六十五。後五年，有貝釋喀以昔所畫馬塞立至亞拉波為四十度。彼測而減之為三十度。佛朗西之經度亦為文士測定。西方減一度。南方減半度。至清康熙時，士在中國，徧繪輿圖，兼及外方屬國，界限縱橫，不爽累黍。後人傳為美談。以為精于地理者莫西士若也。

哥里蘭內地之形勢皆士所推測而詳考以明示後人者也。有以意謂昔之那威人曾遷此地，歷年久未審有無，欲往跡之。一千七百二十一年，有那威教士名以基的偕四十六人共詣其地，建邑築室，迄今猶存。惟是昔之那威人，未由踪跡。彼傳教于土民，甚為勤勞。後閱十二年。

日耳曼人亦至斯地，助其傳道設教，多行善事。以禮訓迪其民。其時亞西亞東北為峩羅斯船主稽考甚詳。在昔貿易之舟，行于北亞西亞海濱，其意惟欲獲海馬而已。外此則非所知也。一千七百二十五年，峩君彼得薨。此時亞西亞東北，與亞墨利加土壤相接，与否，人無從知之。當彼得遭疾時，欲遣人以察斯事。後其后加他隣秉政，遣羣舟往彼。船主名白令，詳考西卑利大河，後至大拉該海。又名荷海格欲窺畧東北海濱之形勢。于時人覓得白令海峽，在東西二州之間。峩軍征西卑利人至東角，即在亞西亞東北之邊隅也。一千七百四十一年，白令再啟行，至堪察加。

至以来斯山為北亞墨利加極高之嶺。此時其地與亞墨利加接壤否。或為東西二州之島人不能知也。後一年有人始至新森拉東方以獲海馬為業。死于小河之中。在七十一度四十分北。

當時太平洋中有數帮舟駛行。其舟主有名當別爾。有名克立白等。有名羅幾溫。所究洋海之地無關輕重也。一千七百四十年即清康熙十八年英之舟主名安孫環行地球四周。備嘗困苦。操舟者雖歷險阻。船主智慧愈生。多効奇法。其所究察者亦無裨於後學。厥後二十四年有名排倫。探得發哥蘭島。窮其形勢。昔人不過遙見而已。至彼始

得之。閱三年。舟主名瓦立斯。尋覓會特孫代挨哥蒙加羅的數島。復覓得他希的。称沃土焉。當時有舟主名加的拉。與之偕行。忽值暴風。舟遂分駛。加的拉覓得必的改尼島。始行於新耳蘭新比勒敦海峽之間。於時佛朗西人始遣舟環行洋海。舟主名布芹非爾。彼出太平洋之時。適值英著名之舟主名古各入其洋。其前舟主或有經歷大洋。所深究者。不過赤道相近之狹處。其南北廣大之區。踪跡不及。一千七百六十八年。在清乾隆三十三年。古各之舟始啟行。欲於南半球窺察水星過太陽。越一年後見之于他希的。適在天氣清朗。四無纖雲之時。細考公會島後行舟。

至西南思在太平洋中靡不探覽而窮其原委焉復抵新西蘭在昔達斯曼所抵處對岸前人以意度之謂其地昆連南極彼以其說為不然環行四周知其地為島舟汎流其中中有狹峽今即名古各峽後抵澳大利於其東方海濱人所未歷者詳究其地約七千里凡地所產之走獸彼亦能識名地曰新南維里斯復有一地曰包大尼灣草木繁雜皆奇形異種又得查客孫為悉德尼巴拉馬大之海口凡離英國約三年然後旋歸彼雖定新西蘭澳大利島為非南州當時亦有說者謂更駛向南可抵南州古各欲辨其是否故再至其地其舟於一千七百七十二年清乾

隆三十七年始啟行越三載而返約經歷洋海二十万里在南冰海行舟屢易方向經南平洋達于高緯線七十一度十五分此處為冰所阻行時覓得數小島伊古以來未有如是之探遐索幽者因此可知在南洋中別無南州為人跡可至之地矣古各第三次行舟時在一千七百七十六年後二年餘其人為他希的土番所殺先是舟行試通由太平洋至大西洋經亞墨利加東北乃尋得三維斯島舟亦通白令海峽從西州西北至冰角緯線七十度二十九分冰高如牆阻舟不前此處為尋覓海地之極北界限至一千八百二十六年清道光六年未有能過之者古各

操舟乏能。列邦間風稱美。彼于所得新地。詳加考察。又將前人所言。身歷實。按歷歷不爽。

舟中水手。

盡從古各得治疽之法。先是舟人多以此殞命。古各為之調節飲食。使疽毒不生。舟行三年。僅斃一人。南冰太平。二洋形勢。至彼始明。當古各考察南半球形勢時。

一千七百八十六年。至八十八年。佛朗西船主比路西。始考察北平洋海濱之線。在亞西亞亞墨利加界。日本滿洲海濱庫貢。西名撒
該連亞西亞中分以海峽。又與薩峒馬分以海峽。故定此處為島。北亞墨利加海濱數處。亦為究及。後六年。亞墨利加西北之濱。經界盡得。有荷蘭人名万古洼。

者。英國主使之。經四年。勤于察地。測知哥倫比河。迄至西北。均有海口海島。先是人未知。自奴德加澳。至黑孫灣。其間或陸地。或水道。由此可通大西。太平二洋。英人有至北亞墨利加捕獸。脫其皮為貨之商。始歷歷察究北亞墨利加內地之形勢。一千七百五十年。加拿大湖黑孫灣以外。彼土人所言。茫昧無稽。一千七百六十九年。有人名曰希爾尼。從黑孫灣濱營市啟行。欲測哥比明河。凡三至而後得之。隨至北冰洋。後九年。諸湖自蘇比畧湖西北。抵亞他巴斯加地。皆已尋覓。後十一年。有英人名曰馬更些。從亞他巴斯加湖北方。由大熊奴二湖。至一河。余

稱馬更些河。希爾尼馬更些遊歷往返而壯亞墨利加之地理更明。觀斯時輿圖。西州幾與北極相接。惟此二士行止。皆遇洋海。彼處相離。約有二十經度。至一千七百九十二年。馬更些歷程尤險。從亞他巴斯加湖上平河。至其源在洛機山。後由他河下入太平洋支派。相近威里士島。仍返本土。歐羅巴人橫過北亞墨利加。自西至東者。自彼為始。一千八百有四年。有二人。一曰路易斯。一曰喀拉客。行自合衆部。由密蘇里河洛機山。哥倫比河。至太平洋。當其時。有合衆部將士。測密士西必河道。由亞堪薩斯河。上密士西必河之源。從此北亞墨利加曠野。河湖山谷。部落土

產。皆為辨明。北方未悉之時。南亞墨利加已為文士深究。普魯士有二著名之士。一名喚波的。一名明不藍。時一千七百九十九年至一千八百有三年。此二人在赤道之地。考察形勢。以天文經緯線定地三百餘所之方位。前此西北海濱輿圖所畫緯線。過于迤南。彼為更正。亦察出荷里諾哥河一支。與亞馬孫河相連。又考委內瑞拉鄰境形勢。凡五次過安的斯大山。細測其崇原火山。其巔高于冰雪之處。

一千七百五十年。北阿非利加內地。雖近歐州。見之易入。然与羅馬國興之時。同未深悉。因沙漠甚熱。氣候甚疫。河

道甚少故欲測者畏難而止一千七百七十年清乾隆十五年英有旅人名不魯斯得亞比西尼或名東尼羅河之泉百五十年前士至此故其地居于已測地理之界一千七百九十三年有旅人名曰不老尼向西入達夫爾詳明西尼羅河道其西出者為一大支英有數人合成功會名阿非利加會其意欲覓上尼羅河之隣境當時屢試達其內地尼日河者宿聞其名一千七百九十六年前歐人未見時英人名曰巴爾克蒙疴從阿非利加西濱行而得之一千八百有五年蒙疴再啟行卒為土番所殺尼日河之原委竟未能窮至一千八百三十年英人名曰蘭

得尔斯測此河與哥拉河相連而入北寧灣又有二人名舟塞克拉北登啟行自的波里由駱駝所行之道過撒哈拉沙漠得北阿非利加內地于一千八百二十三年見雜德大湖克拉北登後由南方至一城名索加土城前自北來亦至此處是為始自的波里達北寧之創舉也一千八百二十六年清道光六年英人名來鷹明年有人名改力皆至丁巴都為商賈薈萃之區南阿非利加內地已通拉大古為此未亞那部都城在洞蘭日河北界當一千八百有六年吸朴哥羅尼為英屬土時也後六年有白舌爾者亦至拉大古明年英教師至此又七年過此而北教民以

禮義方田使入正道。一千八百三十四年英匠士斯米帖更北欲盡得彼地形勢。一千七百八十八年清乾隆五十三年英人始遷至澳大利建邑在查克孫海口。于是澳大利形勢畧為詳明。有二船主。一曰巴斯。一曰法林得斯。測海濱新地。澳大利萬地曼蘭今以海峽。今名巴斯峽。惟其地多有未悉。至一千八百十八年。與後四年中。船主名經始親往細測。惟迤西北亦有海濱。至今猶未詳也。除東南西南二隅外。澳大利內地。近時人皆不知。或測其形勢。大概在海濱平列之區。無人行其中土。

歐國復平之時。有士再度從西北道可抵印度。一千八百十八年清嘉慶二十三年。英有船主名曰羅斯。啟行由亞墨利加北方。欲覓自大西洋至太平洋海道達否。知巴芬前測之灣。名巴芬灣者。其地勢為可據也。明年英船主名巴利。往巴芬灣。向西由藍加斯德澳。至經線倫敦偏西一百十三度四十六分。尋覓墨爾非爾等島。亦定哥里蘭。與藍加斯德澳北方之地。昔人所言与亞墨利加相連者。今知其非是。後二年巴利再至。居嚴寒冰雪之地者。凡過二冬。測黑孫灣東北濱。亦如島形。後三年三至。壞其一舟。竟無所得。于是國主命人覓地之事暫止。有人意謂遇水則

以輕舟遇堅冰則以鹿車可直抵北極一千八百二十七年巴利欣然而往自斯必已然島北方啟行于冰上抵緯線八十二度四十分此為極高緯度人跡所至離北極僅一千六百里至此而其勢不得不回者緣風吹冰田南行巴利之舟努力前進欲北反南

前希爾尼馬更些所測亞墨利加北濱為北冰洋所漂于是英王遣法藍格林往彼驗其濱迹在他舟駛行冰洋之時一千八百十九年自黑孫灣啟行經曠野至數大湖輕舟行于下哥比明河口即遇北冰洋考察海濱向東至復回角往返一万七千里風餐冰宿土人加奴危苦異常彼

日夜祈

互相勸勉故入險出險心能安慰後六年法藍格林越險再往鑒于前轍豫為之計自馬更些河向西海濱究其曠地東抵哥比明河四周悉究其時船主名比智自白令峽往測幾與法藍格林相遇亞墨利加北方向東盡處亦為船主名羅斯二次考察時一千八百二十九年至後四年中冬居極寒之地國人皆以為必不生還其舟行時究嗡錢氣之北極其經線北京偏西約百十一度緯線七十度五分十七秒又有船主名巴克與黑孫灣會士全究斯土今知西州北界大概七十緯度東州北界畧同惟亞西亞北方有地稍稍更北

近時南半球高緯度亦為細測。昔古各考南冰洋並無大州。以及金類紛繁草木能生人民可居惟古各所抵之界。與南極中或有曠地或為冰洋均未可定。近佛朗西會衆部大英各國遣船以考此事測南冰洋實有其地。其先商船捕鯨之時得數島而指示後人從此徧覓矣。一千八百十六年清嘉慶二十一年英船主名斯米帖覓得南舌蘭數島其巔終歲有雪其地在合尼角東南後五年峨羅斯船主名北令厚森又于此處覓得彼得第一島在緯線六十八度五十七分。彼時覓地者此為極南。後二年英船主究德爾在小捕鯨船達于緯線七十四度十五分又為是

時極南之境。一千八百三十一年清道光十一年船主名比斯哥覓安德比島在南寒道內好望角南方。明年又究數島海濱之界為合尼角南方後八年英船主名巴林尼舟行新西蘭捕海狗于途覓巴林尼數島即火山所吐又得海濱今名薩比利那土以上皆商船覓地之事。一千八百四十年清道光二十年佛朗西王遣使者名德非爾駕二舟啟行自萬地曼之合巴敦後十九日遇地在巴林尼所抵之海約在南寒道緯度此處徧地皆雪草木不生形勢為壑窩海口其高約一千三百五十尺海濱之線測至五百里名亞德來地氣候甚寒舟人僵凍不前而返斯時

合衆部船主名維爾格斯。舟入南冰洋。較佛船更東。遇海濱之線。一月舟行向西。經巴林尼德。非爾所究之地。凡行五千六百里。途中所見有地。或似地。非地。海濱之線未定。聯絡與否。若察其實。連則知南冰州之界限。即前巴林尼所究之地也。佛合船主各察之後。未幾大英船行南冰洋。所入較前更東。所定緯線。更有關係。佛合船主不能過六十七緯度。因其船不敵冰山衝壓之勢也。英船主名羅斯。乘甚堅之船。放入冰田。六百餘里。過此即為大海無冰。彼見海濱高嶼。迤邐向南。今名維多利土。大英女主名至七十八緯度。此為人跡不到極南之地。倘羅斯所考者。與前巴林

尼德非爾維爾格斯已得之地相連。可為南州凹入之濱。彼見火山。高于海面一千二百丈。吐燄生煙。名曰以利普斯。再東名德辣。此山畧低。而無烟燄。凡歷南冰洋者。艱危萬狀。愈南愈寒。冰山阻之。不能前進。

近時人雖屢獲新地。但勿以外為更無可察究者。南北極相近之區。與阿非利加澳大利內地。在地球圖中。尚留空處。中亞西亞。與烏米羣島中數大島。僅為畧知。阿非利加內地。近有地已覓。一千八百四十九年。英教士在東方。得一高山。名樂利滿沙羅。緯線三度四十分南。此山聯絡甚多。高于冰雪之線。依前獨列米所言。測為尼羅河之源。

又有教士在南方覓得一湖名牙密高于海面二千八百尺在緯線二十度二十分南有大河自北流入可治為諸道駕舟向北行教通商獲益耳目在澳大利島者有行陸路自東往西之人探其中土為土番所傷或有死者即未死傷經六月無糧緣此陸行艱危萬狀今有船主自南河而入經四千里雖內地蒙晦未開他日必精華盡出一千八百四十五年英船主名法藍格林行至亞墨利加北方考察白令海峽至藍加斯德澳得達與否迄今無耗諸船往訪未得恐此二舟數百人盡為波臣矣有人云或在彼已抵無冰之海為冰田冰山阻其歸路也今有船主名麥

格羅爾往訪法藍格林覓得西州冰洋東西相通以土考地史之大畧既畢

大約一丈八尺
有餘。其後又增
高一尺。故名之曰
增基。又名之曰
增基。

